

**R. P. Sebastiani Izquierdo Alcarazensis Societ. Iesv Regii
Senatvs S. Inqvisitionis Hispaniarvm Qualificatoris, Et
Olim Complvti Sacræ Theologiæ Professoris. Opvs
Theologicvm, Iuxta atque ...**

Vbi De Essentia Et Attribvtis Divinis Vbertim Disseritvr ...

Izquierdo, Sebastián

Romae, 1664

Quæst. 7. Quænam propositiones euidentes, aut aliàs certæ, seu per se
notæ, seu demonstratae ex terminis huius disputationis in superioribus
expositis eliciantur comparatis tum inter se, tum cum alijs ...

[urn:nbn:de:hbz:466:1-76990](#)

QVAESTIO VII.

*Quoniam propositiones evidentes, aut alias
certa seu per se nota, seu demonstrata ex
terminis huius disputationis in superiori-
bus expositis elicantur comparati tum-
inter se, tum cum alijs aliarum disputatio-
num & huius Operis, & Phari Scientia-
rum, utrumque in alijs biplum A. id
quod est in alijs disputationibus, in alijs
disputationibus, in alijs disputationibus.*

62 **D**ico elici quæ sequuntur.

Propositio I.

63 *Impossible est, vt idem secundum
eamdem rationem bonum simul, & ma-
lum sit.*

Quoniam bonum, & malum secundum eamdem rationem metaphysicè sunt opposita, aut contradictoriæ, aut contrariæ; atque adeò necessariò incompatibilia, vt in confessio est apud omnes. Clarissime quippe repugnat, quod idem secundum eamdem rationem simul sit pulchrum, & feendum, amabileque subinde, & odibile, atque adeò bonum, & malum in se absolute. Tum etiam, quod idem comparatione eiusdem secundum eamdem rationem simul sit conueniens, & disconueniens, atque adeò bonum, & malum respectuè, sive relatè.

Propositio 2.

64 **In** Impossibile est, vt idem secundum eamdem rationem simul sit perfectum, & imperfectum.

Si enim perfectum, & imperfectum sumantur latè pro bono, & malo ab soluto iuxta dicta q. 2. & 4. haec propositio iam constat ex precedente. Nec minus est evidens, si perfectum, & imperfectum strictè iuxta ibidem dicta sumantur pro integro, & pro non integro quoad bonitatem debentur. Cum sit manifestum duo ista contradictiones opponi.

Propositio 3.

65 Quidquid alicui subiecto formaliter,
& respectiuè est aut bonum , aut malum ,
ipsum subiectum reddit in se absolutè aut
bonum , aut malum . Et vicè versa . Quid-
quid aliquod subiectum reddit in se abloiu-
te aut bonum , aut malum , ipsi subiecto
formaliter , & respectiuè est aut bonum , aut
malum .

Hac propositio fatis superque nota manet per ea, que dicta iam sunt supra q. I. n. 13. & q. 3. n. 32. Ex terminisque ipsis est fatis evidens, non posse non subiectum euadere in se aut bonum, aut malum per id, quod formaliter, & per se ipsi est aut consentaneum, sive conueniens, atque adeo bonum; & perfectum; aut dissentaneum, sive disconueniens, atque adeo malum. & no-

cium. Nec posse non esse vice versa subiecto aut conueniens , & bonum , aut disconueniens , & malum formaliter id , per quod ipsum in se redditur aut bonum , aut malum . Loquendo videlicet de subiectis creatis , quæ per bona , aut mala etiam à se distingueant per seipsci , aut vitia possunt . Quod à subiecto invenientur est alienum , ut locis citatis notatumus . Cui prouinde bona , vel mala extinseca longe altera talia sunt , quam creaturis , prout infra disp. 16. exponetur . Quo circa sicut in hac , ita & reliquis huius questionis , imo & sequentium propositionibus de solis subiectis creatis , deque eorum bonis , & malis nobis sermo erit , dum aliud non expresserimus .

Propositiō 4

Quotiescumque alicui subiecto aliquid
malum est, non potest non contradicitorum
eius ipsi subiecto & bonum, & debitum,
esse. 66

Bonum quidem: quia non potest non esse, vnicuique bonum carere quouis sibi malo, v est notissimum. Debitum autem: quia quoduis ens ex innata quadam propensione, ac veluti ex innato quadam amore erga se ipsum iure censem tur auerfarī, refugere, & repudiare, quidquid sibi malum, atque adeò nocuum est; & consequen ter iure similiter appetitum quodam innato appetere, exigereque carere illo, vt etiam ex si est notum. Hinc autem manifeste sequitur, natura cuiusvis subiecti non solum bonum, sed etiam debitum esse, carere quouis malo, seu (quod est idem) contradicitorium cuiusvis mali: siquidem id, cuius natura censem tur debitum, quod iure ab ipsa exigitur, prout pluribus est explicatum supra q. 5.

Propositio 5.

Quies alicui subiecto aliquid malum est, toties id eidem subiecto indebitum est.

Nam illud dicitur subiecto indebitum iuxta definitionem statutam q. 5. cuius contradictorium est debitum eidem subiecto. Sed quoties aliqui subiecto aliquid malum est, eidem subiecto debitum est contradictorium eius, iuxta proposit. 4. Igitur, quoties aliqui subiecto aliquid malum est, toties id eidem subiecto indebitum est.

Hinc patet, de ratione mali relati esse, 68
quod indebitum sit subiecto, cui malum, & no-
cium est. Omneque subinde malum relatum,
subiecto, cui malum est, & nocium, indebi-
tum esse. Et quoniam indebitum, aut metaphy-
sicè, aut physicè, aut moraliter tale esse, sive
considerari potest iuxta dicta q. 5. consequens ne-
cessarium est, ut omne malum relatum subiecto,
cui est malum, aliquo saltem ex hisce tribus mo-
dis indebitum sit.

Propositio 6.

Non omne bonum relatum subiecto,⁶⁹
cui bonum est, est debitum. Sed aliqua
debita sunt; aliqua vero minimè

q.5. dona supernaturalia, quæ naturæ tanquam

Tractatus VII. De Deo uno.

456. subiecto valde sunt bona, & perfectiora, ipsi natura non sunt debita. Tantumdemque est de accidentibus prater naturalibus respectu eorum subiectorum, quibus cum preternaturalia, tum bona, & perfectiora sunt. Cum tamen cuius enti debita sint tum predicata essentialia eius, tum partes, & accidentia ipsi connaturalia, quae bona sunt ipsi tanquam subiecto.

70. Ex dictis in hac, & praecedentibus propositionibus duo inserviant discrimina inter bonum, & malum relationem. Primum, quod omnia mala relata subiecto, cui sunt mala, indebita sunt. Cum tamen e converso non omnia, sed aliquantum bona relata subiecto, cui sunt bona, sint debita. Secundum, quod contradictionum omnis mali relati, ipsius subiecto bonum est iuxta proposit.4. Non vero omnis boni relati contradictionum est vice versa malum ipsius subiecto. siquidem contradictionum boni non debiti, eo ipso non est indebitum iuxta definitionem indebiti statutam q.5. & consequenter neque malum; cum de ratione mali sit esse indebitum iuxta proposit.5.

Propositio 7.

71. Quotiescumque aliquid alicui subiecto debitum est, eidem subiecto bonum est.

Quia, ut constat ex doctrina Naturae q.5. n.52. quotiescumque aliquid alicui subiecto debitum est, non potest non in ipso subiecto esse ad illud exigentia, & appetitus sicutem innatus. Sed exigentia, & appetitus innatus non datur nisi ad illud, quod appetenti, & exigenti est bonum; ut est nouissimum. Ergo, quotiescumque aliquid alicui subiecto debitum est, eidem subiecto bonum est.

Sed contra hanc propositionem potest opponi. Peccatori ut tali est debita pena, quae tamen non bonum eius, sed malum quoddam est. Ergo. Respondeo, peccatori esse debitam penam non ex iure, quod ipse peccator habeat ad illam; sed ex iure, quod eius superior habet ad ipsum puniendum. Vnde hoc debitum non est passuum, de quo in propositione est sermo, sed actuum, de quo ipsa non agit. Quocirca, loquendo proprie, non tam est dicendum, penam deberi peccatori, quam peccatorem ipsum debere, solvere, seu lucre, seu sustinere, aut pati penam. Quo integrè propositione nostra manet illata.

Propositio 8.

72. Quotiescumque alicui subiecto aliquid indebitum est, eidem subiecto malum est.

Ita sentiunt omnes reipsa; cum dicunt, malum est subiecto carere bono sibi debito. Siquidem omne indebitum contradictionum est debiti iuxta definitionem statutam q.5. & omne debitum est bonum iuxta proposit.7. Quo sit, ut omne indebitum contradictionum sit boni debiti, eiusque subinde exclusio, sive carentia, atque adeo malum iuxta sententiam omnium. Ratio a priori. Quia nequit non esse disconueniens, seu dissentaneum, atque adeo malum subiecto, carere bono aliquo sibi debito, ut facit ex se notum est. Sed, quidquid est subiecto indebitum contradic-

rium atque adeo exclusio, sive carentia est aliquid boni debiti ipsi subiecto iuxta dicta superrime. Igitur nequit non esse disconueniens, seu dissentaneum, atque adeo malum subiecto. Quidquid subiecto ipsi indebitum est. Rursus, nequit non subiectum evadere quasi fodiunt, sive deformant, atque adeo malum in se absolute a defectu cuiuslibet boni debiti sibi, ut ex se constat. Sed quodvis indebitum subiecto defectus est aliquid boni debiti ipsi, utpote eius contradictionum, ut constat ex dictis. Ergo nequit non subiectum evadere malum in se absolute a quolibet indebito sibi. Ast quidquid reddit subiectum malum in se absolute, eidem est malum respectu iuxta proposit.3. Igitur quodlibet subiecto indebitum eidem est respectu malum. Quod erat ostendendum.

Ex hac, & ex praecedentibus propositionibus inferitur, indebitum, & malum subiecto ad conuentiam dici. Nam, quidquid est subiecto malum, eidem est indebitum. Et, quidquid est subiecto indebitum, eidem est malum. Debitum vero, & bonum subiecto non itidem. Nam licet omne subiecto debitum sit ipsi bonum. Non tamen omne subiecto bonum est ipsi debitum; cum multa bona subiecto sit ipsi non debita.

Propositio 9.

Contradictorum cuiusvis boni subiecto debiti ipsi subiecto malum est.

Quia est ipsi indebitum iuxta definitionem indebiti statutam q.5. Et omne subiecto indebitum ipsi subiecto malum est iuxta proposit.8.

Propositio 10.

Idem comparatione eiusdem esse simul debitum, & indebitum, impossibile est.

Tum quia isti termini euidentissime sunt oppositi. Tum quia contra proposit.1, idem comparatione eiusdem ester simul bonum, & malum. Siquidem omne debitum bonum, & omne indebitum malum est iuxta proposit.7.

Propositio 11.

Nulli subiecto potest debitum esse id, quod ipsi impossibile est.

Quia, ut in moralibus nemo ad impossibile tenetur iuxta vulgatum exioma; ita absolute nullum debitum actuum, & consequenter nullum ius, nullumque debitum passuum ad impossibile dari potest. Nullum ergo ens potest habere ius ad id, quod est ipsi impossibile. Nullique enti subinde potest debitum esse id, quod ipsi impossibile est. Quae omnia satis superque sunt euidentia ex se, si sermo sit, uti est in propositione, de iure, & debito ad existentiam eius, quod enti impossibile est.

In hac quippe, & in sequentibus propositionibus, quoties comparamus ad subiecta quaevis extrema, sive possibilia, sive impossibilia, sive contingentia, sive necessaria tanquam debita, vel indebita, bona, vel mala, &c. semper est sermo de illis consideratis quoad existentiam, seu prout in statu existentiali. Vrsum enim illa considerata præcisè prout in statu quiditatuo, & se-

cun-

cundum suam quidditatem possibilem, aut impossibilem aliquam bonitatem, vel malitiam aut absolutam, aut respectivam ad aliqua subiecta habeant: & eis sint prout sic aliquo modo debet, vel indebet, inferius q.8. & 9. ex amandinum nobis est. Quod dictum, & statum hic pro omnibus sequentibus propositionibus esto.

Ex praesente autem infertur primo, quidquid in se est impossibile, nulli enti debitum esse posse: quia, quidquid in se est impossibile, & omni enti tanquam subiecto est impossibile, vt constat. Secundo infertur, duo quaevis extrema contradictionis nulli enti posse simul debita esse: quia coniunctum ex duabus quibusque extremis contradictionis in se est impossibile, vt etiam constat.

Propositio 12.

80 Contradictorium eius, quod est impossibile alicui subiecto , indebitum ipsi subiecto esse non potest.

Quia id est subiecto indebitum iuxta definitionem statutam q. 5. cuius contradictorium est debitum eidem subiecto. Ergo quando unum ex duabus extremis contradictionis non potest esse subiecto debitum, alterum eidem subiecto indebitum esse non potest. At, quando unum est impossibile subiecto, non potest ipsi debitum esse iuxta proposit. 11. Ergo neque tunc potest alterum esse ipsi subiecto indebitum.

Propositio 13.

81 Quod est subiecto necessarium, ipsi sub-
iecto indebitum esse non potest.

Quia, quando aliquid subiecto est necessarium, contradictorium illius est eidem subiecto impossibile, ut constat ex se, & ex demonstratis in Pharo Scient. disp. 11. q. 5. At contradictorium eius, quod est subiecto impossibile, indebitum ipsi subiecto esse non potest iuxta proposit. 12. Ergo quod est subiecto necessarium, ipsi subiecto indebitum esse non potest. Hic tamen aduentendum est, sermonem in ipsis propositionibus dumtaxat esse de impossibilitate, necessestaque metaphysica, eaque prorsus absoluta ab omni alia suppositionis, praeterquam à suppositione existentia subiecti, cui ut existenti aliquid omnino impossibile, atque adeo non debitum, vel omnino necessarium, & ideo non indebitum est.

Propositio. 14.

⁸² Quidquid alicui subiecto necessarium
est; id ipsi malum esse non potest.

Quia nec potest esse subiecto indebitum id, quod est subiecto necessarium iuxta proposit. § 3. Nec potest esse subiecto malum id, quod non potest esse ipsi indebitum. Siquidem de ratione malii relati est, indebitum est subiecto, cui malum est, iuxta proposit. §.

Propositio 15.

82 Quidquid alicui subiecto impossibile

est, id ipsi malum esse non potest.

Quia nequit quidpiam per suam existentiam esse disconueniens alicui subiecto , quando illius existentia tali subiecto est impossibilis , ut ex se est manifestum . Este autem quidpiam disconueniens subiecto , & ipsi esse malum idem est iuxta definitionem statutam q. 3. Tum esse quidpiam impossibile subiecto , & esse ipsi impossibile illius existentiam idem etiam est , ut ex se constat .

Propositio 16.

Quidquid alicui subiecto malum est, eo 84
ipso ipse subiecto contingens est.

Quia nequit esse tali subiecto aut necessarium, aut impossibile, iuxta proposit. 14. & 15. Et nequit non esse subiecto contingens id, quod ipsi nec necessarium, nec impossibile potest esse, vt constat ex fe. & ex proposit. 11. demonstrata in Phare Scient. disp. 8. q. 4.

Propositio 17.

Quidquid alicui subiecto impossibile est, id ipsi bonum esse non potest.

Quia non potest quidpiam per suam existentiam esse conueniens, atque adeo bonum alicui subiecto, quando illius existentia tali subiecto est impossibilis, uti est in casu propositionis, iuxta dicta in simili proposito.¹⁵

Propositio 18.

Quidquid alicui subiecto bonum est, ⁸⁶
aut necessarium, aut contingens tali subie-
cto est.

Quia non potest esse illi impossibile iuxta
proposit. 17. Et quidquid alicui lubet non est
impossibile, consequenter debet illi esse aut neces-
sarium , aut contingens, vt patet ex se , & ex pro-
posit. 11. Phari citata nuper proposit. 16.

Propofitio 19.

Vtrumque extre^mum cuiusuis contra- 87
dictionis eidem subiecto esse indebitum,im-
possibile est.

Quia, quando vnum est indebitum , alterum est necessariò debitum iuxta definitionem indebiti statutam q.5. Et hoc non potest esse simul debitum,& indebitum iuxta proposit. 1.g.

Propofitio 20.

Vtrumque extre^mum cuiusvis contradictionis eidem subiecto esse malum, impossibile est. 88

Tum quia utrumque esset eidem subiecto indebitum contra proposit. 19. siquidem omne malum subiectio ipsi est indebitum iuxta proposit. 5. Tum quia, quando unum ex contradictoriis est malum subiecto, alterum est ei necessarium bonum
M M M I Jux

Tractatus VII. De Deo uno.

458

juxta proposit. 4. Et nequit hoc esse eidem simul bonum, & malum iuxta proposit. 1.

Propositio 21.

89

Vtrumque extreum cuiusvis contradictionis eidem subiecto esse debitum, impossibile est.

Quia, quando vnum est debitum, alterum necessarij est indebitum iuxta definitionem indebiti statutam q. 5. Et hoc non potest esse simul indebitum, & debitum iuxta proposit. 10.

Propositio 22.

90

Vtrumque extreum cuiusvis contradictionis eidem subiecto esse bonum, impossibile est.

Non enim potest vtrumque esse bonum debitum. Tum quia, non potest vtrumque esse debitum iuxta proposit. 21. Tum quia, quando vnum est bonum debitum, alterum necessarij est malum iuxta proposit. 9. Et nequit hoc esse simul bonum, & malum iuxta proposit. 1. Quia eadem demonstratione ostenditur in eam, non posse esse vnum bonum debitum, & alterum bonum non debitum. Restatque solum ostendendum, quod neque possit utrumque esse bonum non debitum.

91

Id quod, explicando terminos ipsos, videtur sat, superque ostendi. Eo enim ipso, quod alterum ex duobus contradictorijs est praecisa carentia alterius, non videntur posse ambo simul esse eidem subiecto bona: quia ex terminis ipsiis apparet, nulli esse bonum hoc praecise, quod est, carere aliquo sibi bono. Hoc enim ipso, quod est alicui bonum, atque adeo conueniens habere aliquid, nequit haud dubie esse eadem bonum, conuenienter carere illo; ut nequit esse bonum, & conueniens alicui, quod auferatur ab eo aliquid, quod ipsi erat bonum, & conueniens. In praecisa quippe ablatione, sive carentia eius, quod erat alicui conueniens, nulla est excogitabilis conuenientia, quae respectu eiusdem sit talis per se, & formaliter.

92

Dico per se, & formaliter. Quia in hac & in 20. propositione (sicut & in plerisque alijs huius questionis) dumtaxat est sermo de bonis, & malis respectu, quae per se, & formaliter talia sunt comparatione subiecti, cui sunt bona, aut mala; non vero item de bonis, & malis respectu, quae causatiue tantum sunt talia; quatenus scilicet conducunt, ut alia existant, quae sunt per se, & formaliter bona, aut mala. Isto enim genere bonitatis dumtaxat causatiua bene possunt ambo contradictionis extrema esse simul eidem subiecto mala, vel bona: quia potest vnumquodque eorum (eorsimad aliquod malum, aut bonum) ipsi vtile esse. Sicut etiam vnum malum, aut bonum formaliter, & alterum malum, aut bonum causatiue bene esse possunt. Sic xgritudo corporis, & eius carentia bona sunt homini: prima; quia utilis ad lucrum spirituale: secunda; quia ad temporale: rursusque secunda; quia per se, & formaliter ipsi homini conueniens est. Alterque exdem mala sunt homini: prima ob amissionem honorum temporalium: secunda ob amissionem spiritualium; quae tecum ferunt: rursusque pri-

ma; quia per se, & formaliter est homini disconueniens. Cdm tamen per se, & formaliter prima dumtaxat sit mala; quia disconueniens: & secunda dumtaxat bona; quia conueniens. Pariterque in similibus.

Istaque non solum de conceptu malitia iuxta 93 proposit. 4. sed etiam de conceptu bonitatis respectu, & formalis cum debita, cum etiam non debita esse videtur circa dubium, quod in ambabus ciusvis contradictionis extremitate comparatione eiusdem subiecti simul reperi non posse. Vnde, quando alterum per se, & formaliter alijs cui subiecto fuerit bonum, alterum per se, & formaliter eidem subiecto bonum non erit: sed vel erit malum, si fuerit primum bonum debitum; vel erit adiaphoron, seu indifferens, si fuerit primum bonum non debitum.

Propositio 23.

Quidquid unicum subiecto essentiale est ipsi essentiali debito debitum est.

Constat ex dictis q. 5. Nam id dicimus subiecto essentiali, cum quo subiectum essentialiter est connexum. Hoc autem esse ipsi subiecto debitum debito essentiali, ex se, & ex ibi dictis n. 49, satis compertum est.

Propositio 24.

Esse alicui subiecto indebitum id, quod est ipsi essentiali, impossibile est.

Quia nequit non esse debitum enti id, quod est ipsi essentiali iuxta proposit. 23. Repugnatque, ut sit simul debitum, & indebitum iuxta proposit. 10.

Propositio 25.

Quidquid unicum subiecto est essentiale, ipsi subiecto bonum est.

Quia est ipsi subiecto debitum iuxta proposit. 23. Et omne alicui subiecto debitum ipsi est bonum iuxta proposit. 7.

Ex hac propositione infertur, vnumquodque sibi ipsi esse bonum. Quia nihil magis unicuique essentiali, quam idem ipsum sibi, ut constat.

Propositio 26.

Nulli subiecto potest esse malum id, quod ipsi essentiali est.

Tum quia nulli subiecto potest id esse indebitum iuxta proposit. 24. Quale necessario est suo subiecto omne malum iuxta proposit. 5. Tum quia necessario est subiecto bonum id, quod est ipsi essentiali iuxta proposit. 25. Et nequit esse simul bonum, & malum iuxta proposit. 1.

Ex hac propositione infertur, nullum ens post se sibi ipsi esse malum. Siquidem nihil est magis unicuique essentiali, quam idem ipsum sibi, ut dicitur. Quid est aper?

Pro

Disp. XV. De bono, & malo, perfecto, &c. Quæst. VII. 459

Propositio 27.

Id, à quo redditur, euadit ve quoduis ens in se absolutè bonum, aut debitum, aut non debitum ipsi enti esse potest.

Quia debet esse ipsi enti respectiū bonum iuxta proposit. 3. Et bonum relatum subiecto, cui est respectiū bonum, aut debitum, aut non debitum esse potest iuxta proposit. 6.

Propositio 28.

Id, à quo redditur, euadit ve quoduis ens in se absolutè malum, necessariò debet esse indebitum ipsi enti.

Quia debet esse ipsi enti respectiū malum iuxta proposit. 3. Et quidquid alii subiecto malum est respectiū, necessariò est ipsi subiecto indebitum iuxta proposit. 5.

Propositio 29.

Quoduis ens à quolibet sibi debito euadit in se absolutè bonum.

Quia euadit in se absolutè bonum à quolibet sibi bono iuxta proposit. 3. Et quolibet sibi debitum est sibi bonum iuxta proposit. 7.

Propositio 30.

Quoduis ens à quolibet sibi indebito euadit in se absolutè malum.

Quia euadit in se absolutè malum à quilibet sibi malo iuxta proposit. 3. Et quolibet sibi indebitum est sibi malum iuxta proposit. 8.

Propositio 31.

Impossibile est, quod aliquod ens euadat in se absolutè malum ab aliquo sibi necessariò.

Quia non potest ens euadere in se absolutè malum, nisi ab aliquo sibi respectiū malo iuxta proposit. 3. Et nequit esse enti respectiū malum id, quod est ipsi necessarium iuxta proposit. 14. Tum; quia necesse est, esse enti indebitum illud, à quo ens euadit in se absolutè malum iuxta proposit. 28. Quale esse non potest illud, quod enti est necessarium iuxta proposit. 13.

Propositio 32.

Impossibile est, quod aliquod ens euadat in se absolutè malum ab aliquo sibi impossibili.

Quia non potest ens euadere in se absolutè malum, nisi ab aliquo sibi respectiū malo iuxta proposit. 3. Et nequit esse enti respectiū malum, quod est ipsi impossibile iuxta proposit. 15.

Propositio 33.

Non potest nullum ens euadere in se, 106
absolutè malum, nisi ab aliquo sibi contingente.

Quia non potest euadere in se absolutè malum, nisi ab aliquo sibi respectiū malo, iuxta proposit. 3. Et quidquid est ei respectiū malum, eo ipso est ipsi contingens iuxta proposit. 16.

Propositio 34.

Non potest nullum ens euadere in se, 107
absolutè bonum ab aliquo sibi impossibili.

Quia non potest euadere in se absolutè bonum, nisi ab aliquo sibi respectiū bono iuxta proposit. 3. Et nequit esse ei respectiū bonum, quod est ipsi impossibile iuxta proposit. 17.

Propositio 35.

Non potest nullum ens euadere in se, 108
absolutè bonum, nisi ab aliquo sibi aut necessariò, aut contingente.

Quia non potest euadere in se absolutè bonum, nisi ab aliquo sibi respectiū bono iuxta proposit. 3. Et quidquid est ei respectiū bonum, eo ipso est ipsi aut necessarium, aut contingens iuxta proposit. 18.

Propositio 36.

Impossibile est, ut aliquod ens ab aliquo sibi essentiali euadat in se absolutè malum. 109

Quia non potest ens euadere in se absolutè malum, nisi ab aliquo sibi respectiū malo iuxta proposit. 3. Et nequit esse enti respectiū malum id, quod est ipsi essentiali iuxta proposit. 26. Tum quia necesse est, esse enti indebitum illud, à quo ens euadit in se absolutè malum iuxta proposit. 28. Quale esse non potest illud, quod enti est essentiali iuxta proposit. 24.

Per hanc propositionem demonstratum manet contra Maniehæos, & Asseclas, esse impossibile, ut aliquod ens per suam essentialiam, sive ab essentiali sua habeat, esse absolutè malum in se. Si quidem nihil est cuilibet enti magis essentiali, quam ipsa essentialia eiusdem, ut est manifestum.

Propositio 37.

Necesse est, ut unumquodque ens bonum in se absolutè euadar per id, quod sibi est essentiali formaliter. 111

Quia quod est unicuique essentiali, ipsi bonum est respectiū iuxta proposit. 25. & quidem formaliter erit, quando est essentiali formaliter, ut ex se est manifestum. Necesse autem est, ut ab omni eo, quod sibi est bonum formaliter, & respectiū, euadat unumquodque ens bonum in se absolutè iuxta proposit. 3.

Ex hac propositione constat, necessarium esse, ut quoduis ens per suam essentialiam, sive ab

M M M 2 esset.

essentia sua bonum absolute in se sit. Atque ita non solum non possit esse malum; sed neque possit esse indifferens, sine adiaphoron. Quandoquidem nihil magis essentiale formaliter est unicuique enti, quam ipsa essentia eiusdem, ut notum est.

Propositio 38.

Quidquid de malitia, & de malo in precedentibus propositionibus dictum est, eodem pacto de imperfectione positiva, & de imperfecto positivo venit intelligendum.

Quia iuxta definitiones statutas q. 4, imperfectione positiva, & imperfectum positivum à malitia, & malo non differunt.

Quicunque autem haec tenus in precedentibus propositionibus demonstrata sunt de bono, & malo, de debito, & indebito, &c. eti potissimum conueniant eis bonis, & malis, debitis, & indebitis, &c. que simpliciter similes sunt iuxta notationem, aque distinctionem eorum factam, supra q. 5, fine; iuo tamen proportionali modo illis etiam conuenient, que talia sunt tantum secundum quid; illisque proinde etiam sunt applicanda. Quod facile ab unoquoque præstari poterit,

Propositio 39.

Nulla perfectio simpliciter simplex cum aliâ perfectione simpliciter simplici est incompatibilis in eodem ente.

Quia, cum perfectio simpliciter simplex omni alia secum incompatibili in eodem ente major sit iuxta distinctionem statutam q. 6, si donec quæque perfectiones simpliciter simplices comparatae inter se sint incompatibilis in eodem ente, prima esset maior secundâ, & secunda vicesim major primâ. Quid manifeste est in impossibile iuxta doctrinam vniuersalem de æqualibus, & inæqualibus traditam in Pharo Scient. disp. 16, q. 3.

Ex hac propositione immediatè inferuntur dicti Recantatores, ut vidimus disp. 1. q. 7. n. 155, omnes omnino perfectiones simpliciter simplices exco. itabiles in eodem omnino ente, simul compatibilis esse. Magis tamen. Quia, cum fieri possit, ut sit oppositum aggregatum id, quod nulli ex partibus eius scorsim sumptus oppositum est, iuxta doctrinam demonstratam in Pharo Scient. disp. 4. q. 4. proposit. 31. ex eo, quod quæque perfectio simpliciter simplex nulli aliarum opposita sit, cum qualibetque subinde compati possit in eodem ente, non benè infertur, illam non esse oppositam ulli aggregato aliarum, sicutque compatibilis esse in eodem ente cum omnibus alijs simili sumptus. Verum autem hoc vltimum bene aliter, aut aliounde inferatur, ex dicendis postmodum constabit.

Propositio 40.

Perfectiones simpliciter simplices ex suis conceptibus vel æquales inter se, vel inæquales esse possunt.

Est certissimum. Quia singulas esse maiores omnibus suis oppositis, ut esse debent, non ob-

stat, quoniam sint inter se vel æquales, vel inæquales. Id quod veluti experimentaliter constat in earum plerisque: conceptus siquidem entis, viuentis, intellectui, omnipotenti, æterni, infiniti, &c. manifeste sunt inter se perfectiones inæquales; cum tamen manifeste etiam omnes perfectiones sint simpliciter simplices. Potentia vero effectius æqualium effectuum æquales perfectiones sunt ex suis conceptibus præcis: sicut & potentia intellectiva æqualium, obiectorum præcis sumptus: aliquæ eiusmodi conceptus. Qui manifeste etiam sunt perfectiones simpliciter simplices.

Ex hac propositione inferatur, posse unam perfectionem simpliciter simplicem excedere perfectionem aggregaci plurium aliarum; tamen cuiusvis aggregati perfectio maior sit perfectione singularium partium sui. Quia potest una plurium aliarum sic superare perfectionem, vt etiam superet perfectionem aggregati resultantis ex illis. V.g. solus conceptus omnipotenti multum, immo infinitè excedit in perfectione aggregatum coalescens ex conceptibus entis, substantialis, viuentis, intellectivi, & volitivi. Cum ille proprius Dei sit, quandomque perfectionis infinitudinem secum ferat: hoc vero totum aggregatum in creaturâ non sic infinita possit existere.

Propositio 41.

Compositum ex pluribus perfectionibus in eodem ente compatibilibus, & nullam secum ferentibus imperfectionem major perfectio est, quam singularia earum.

Quia in tali composito ad suas partes comparato evidenter habet locum illud certum principium, Totum est minus sua parte. Quidquid sit de aggregato ex pluribus perfectionibus vel incompatibilibus inter se, vel mixtis cum imperfectionibus. De quo ad rem alibi.

Ex hac propositione inferatur, compositum ex pluribus perfectionibus simpliciter simplicibus, aut ex pluribus perfectionibus simpliciter in eodem ente compatibilibus maiorem perfectionem esse, quam singularia earum; quia utrumque ex conceptibus suis ad imperfectionibus sunt immutantes, ut ex earum definitionibus statutum q. 6.

Propositio 42.

Impossibile est, ut aggregatum ex solidis perfectionibus simpliciter simplicibus compositum non sit itidem perfectio simpliciter simplex.

Contradictorium potius videtur verum. Nam si aggregate composite ex solidis duabus perfectionibus simpliciter simplicibus A B opposita sit perfectio simpliciter simplex A, ut fieri potest iuxta dicta proposit. 39. ipsumque integrum aggregatum minor perfectio sit, aut saltem non maior perfectione A, ut etiam fieri potest iuxta dicta proposit. 40. ipsummet utique aggregatum ex solidis duabus perfectionibus simpliciter simplicibus compositeum, uti supponitur, non erit perfectio simpliciter simplex: quia non erit perfectio maior omni sibi opposita: quandoquidem perfectione A opposita sibi maior non erit.

Nihilominus propositio data est demonstranda. Pro quo suppono ut protius certum, quo-

Disp. XV. De bono, & malo, perfecto, &c. Quæst. VII. 46

quæstus quodvis extreum nulli ex partibus cuiusvis aggregati oppositum ipsi aggregato oppositum est, quamlibet partem talis aggregati necessariò esse oppositam aggregato coalescenti ex residuo, & ex dicto extremo. Itaque si A est oppositum aggregato ex BC, cum non sit oppositum ipsi B, aut C, sumptis leorū, necesse est ut B oppositum sit aggregato AC, & C aggregato AB. Si enim B non esset oppositum aggregato AC, simul cum illo posset esse: atque ita simul esse possent BAC. Quo fieret, vt A non esset oppositum aggregato BC contra suppositionem. Tantumdemque est de alijs casibus, de ceterisque similibus cuiuslibet omnino aggregatis ex quavis multitudine partium aut finita, aut etiam infinita compotiti. Quippe in omnibus locum habet demonstratio facta, vt est notissimum.

123 Hoc posito demonstro propositionem ab absurdo. Quoniam, vt aliquod aggregatum ex solis perfectionibus simpliciter simplicibus compositum, v.g. istud BC, non esset perfectio simpliciter simplex, necessaria erant omnino duo. Primum, quod illud oppositum sibi haberet aliquam perfectionem non minorem, sed aut maiorem, se, aut sibi aequalē, v.g. A. Secundum, quod tali perfectioni A nulla pars eius esset opposita. Quod primum erat necessarium, est clarum. Quia, si cum aggregatum nullam perfectionem sibi oppositam haberet se non minorem, omni perfectione sibi oppositā esset illud maius; perfectioque subinde simpliciter simplex illud esset iuxta definitionem. Quod autem etiam secundum necessarium erat, non minus clarum est. Quia, si aliqua pars dicti aggregati puta B tali perfectioni A opposita esset, quandoquidem B non potest non esse minor perfectio quam est totum aggregatum BC iuxta proposit. 41. B vtique non posset non habere sibi oppositam perfectiōnem A non minorem se, sed maiorem, (siquid nequit non esse maius minore, quod est maius, vel aequalē maiori, vt constat): fieretque proinde, vt B & esset perfectio simpliciter simplex, vt in casu supponitur; & simul non esset: quia non omni sibi opposita maior esset. Quod est chymaricum. Stat itaque demonstratum hancenū, necessarium omnino esse adhuc, vt aggregatum BC, ex solis perfectionibus simpliciter simplicibus compositum, non sit perfectio simpliciter simplex, tum quod sit illud oppositum perfectio A se non minor, tum quod eius pars BC seorsim ipsi A opposita non sit. Pergo. Sed est impossibile, quod aggregatum BC ex una parte sit compositum ex solis perfectionibus simpliciter simplicibus, vt supponitur; ex alia vero sit oppositum perfectio A non minor se, cui pars eius non sunt opposita sumptis seorsim. Ergo est impossibile, quod aggregatum BC, ex solis perfectionibus simpliciter simplicibus compositum, non sit perfectio simpliciter simplex. Maior demonstrata supponitur. Et consequientia planè est legitima. Minor autem sic demonstratur. Eo ipso, quod aggregatum BC oppositum sit perfectio A, cui B, & C seorsim non sunt opposita, non potest non perfectio B esse opposita aggregato AC iuxta suppositionem factam n. 122. Cumque aggregatum AC, vt pote coalescens ex perfectionibus non oppositis, atque adeo compatibilibus in eodem ente nequeat non esse perfectio major, quam A, iuxta proposit. 41. Et A, vt pote perfectio non minor perfectione,

BC, sit maior perfectione B iuxta dicta; conficitur B perfectionem esse longè minorem perfectione AC sibi oppositā: proindeque B neutrum esse perfectionem simpliciter simplicem; qualis supponitur esse in casu; qui, proinde est implicitorius. Repugnat igitur, quod aggregatum BC ex ipsi B, & C tanquam ex perfectionibus simpliciter simplicibus sit compositum, & simul habeat perfectionem A non minorem se oppositam sibi, & non suis partibus sumptis seorsim, prout necessarium erat adhuc, vt illud nihilominus perfectio simpliciter simplex non esset. Vnde consequenter est impossibile, vt aggregatum BC, & quodlibet aliud huiusmodi ex solis perfectionibus simpliciter simplicibus compositum sit, & ipsum non sit itidem perfectio simpliciter simplex. Quid erat demonstrandum. Ex quibus etiam iam appareat, casum, quo n. 121. videbatur probari oppositum, omnino impossibilem esse.

124 Est autem sermo tam in propositione, quam in tota eius demonstratione de aggregato composito ex solis perfectionibus simpliciter simplicibus, qua compatibilis sint in eodem ente: quale non potest non esse, quod compositum supponitur ex solis duabus: siquidem iuxta demonstrationem factam proposit. 39. duæ quæque perfectiones simpliciter simplices non possunt non in eodem ente compatibilis esse. Ob id pro securitate suppositionis in aggregato ex duabus tantum partibus composito possumus semper exemplum. Cūtamen demonstratio facta vniuersalis sit pro omnibus aggregatis ex quibuslibet multitudinibus partium compositis; dummodo omnes vniuersaliter partes perfectiones sunt simpliciter simplices in eodem ente compatibilis.

Propositio 43.

Omnis multitudo finita, sine omnis 125 numerus excogitabilis quarumlibet perfectionum simpliciter simplicium necessariò constat ex partibus simul in eodem ente compatibilibus.

Quoniam, acceptis imprimis ex quolibet numero dato singulis binarijs, iuxta proposit. 39. reperiemus, vniuersaliter binarij duas unitates in eodem ente necessariò compatibilis esse. Cūtamen autem iuxta proposit. 42. quodvis diutorum binariorum necessario sit perfectio simpliciter simplex; acceptis deinde singulis eiusdem numeri quaternarijs rursus per eamdem proposit. 39. reperiemus, vniuersaliter quaternarij duo binaria necessario itidem esse in eodem ente compatibilis. Pariterque eisdem ex titulis reperiemus, esse in eodem ente necessariò compatibilis vniuersaliter octonarij duo quaternaria; & vniuersaliter decenarij duo octonaria; & ita deinceps; donec ad duas medietates accedamus integri numeri. Quo tandem concludemus omnes omnino partes eius simul in eodem ente necessariò compatibilis esse, vt propositio data fert.

126 Ex qua deinde plane infertur, quilibet perfectionem simpliciter simplicem non solum cum qualibet alia seorsim esse compatibilem in eodem ente iuxta proposit. 39. sed etiam cum quouis aliis aggregato finito.

Vnde rursus sequitur manifestè, nullum esse numerum perfectionum simpliciter simplicium, in eodem ente compatibilium, quo maior alius dari non possit. Quia cuilibet dato alia, & alia

per-

perfectiones simpliciter simplices cum ipso compatibilis possunt adiungi sine fine iuxta demonstrationes factas. Ex quo patet, perfectiones simpliciter simplices in eodem ente compatibilis syncategorematicè esse infinitas. Id quod stare nequit nisi multitudine perfectionum simpliciter simplicium possibilium, sive ex cogitabilium intrasuum possibilitatis statum infinita sit categorematicè, ut constat ex generali doctrinā de huiusmodi infinitis traditā supra disp. 13. q. 2. proposit. 1.

128

Verum enim verò, quia sermo est impräsentiarum de compatibilitate perfectionum simpliciter simplicium in eodem ente per identitatem, scire opus est, distinctionem, ac multiplicacionem eorum plerunque per solam nostram rationem fieri. Quæ enim in eodem ente sunt compatibilis, atque adeò compatuntur defecto, una perfectio sunt re ipsa; quia re ipsa omnes sunt idem; tot autem per rationem nostram euadunt, quod à nobis concipiuntur distinctæ cù, quam habemus, facultate dissecandi idem ens individuum in plures conceptus, sive formalitates. Possumus autem in eodem ente plures, & plures sine fine distinguere; minutiores tamen semper, & minutiores; qua ratione diximus supra disput. 2. q. 8. posse nos attributa diuina sine fine multiplicare. Quo pacto perfectiones in eodem ente distinguibiles (vti diximus ibidem de attributis in Deo) syncategorematicè infinite dicendæ venient; correspondente videlicet huic infinito alio categorematico intra possibilium statum, non tam ipsum perfectionum, (cum illa re ipsa sine una), quam cognitionem possibilium nostrarum, quibus illæ sine fine distinguibiles sunt. Iam verò perfectiones in entibus distinctis repertæ, quando in eundem conceptum vniuersum per rationem nostram conspirant, una consentir in talibus entibus multiplicabilis. Sic se habet perfectio prædicati substantia; sic perfectio prædicati viventis; & ceteræ huiusmodi. Possunt præterea, & solent concipi à nobis huiusmodi perfectiones abstractè, & præcisè, cæquè aut magis, aut minus, in plures ve, aut pauiores partes dissecare. Ex quibus dein considerare possumus aliquam multitudinem in uno ente identificabilem, & aliam maiorem in alio, & aliam in alio, &c. Quod est, considerare tertidem entia quoad perfectiones conuenientes sibi inæqualia, aut etiam dissimilia, &c. Ex quibus iam latet apparere, quo pacto circa distinctionem, & multitudinem huiusmodi perfectionum philosophandum sit.

Propositio 44.

129

Quævis omnino perfectio simpliciter simplex necessariò debet esse aut propria entis omnium optimi, aut ipsi, & non optimo communis.

Est clarum. Nam alioquin cum ente omnium optimo, atque adeò cum aliqua perfectione simpliciter simplici (qualis manifestè illud est) non esset compatibilis contra proposit. 39. Cum constet nullum prædicatum compati cum ente optimo, sive ei conuenire, quod non sit vel ipsius proprium, vel ipsi & non optimo commune. Tum perfectio nec propria eius optimi, nec communis ipsi, & non optimo, necessariò debet esse propria non optimi, ut etiam constat; annexaque subinde ferre secum imperfectionem prædi-

cari non optimi contra quiditatem perfectionis simpliciter simplicis statutam q. 6.

Quo eodem pacto venit demonstrandum, quilibet omnino perfectionem simpliciter simplicem necessariò debere esse aut propriam entis à se, aut ipsi & enti ab alio communem. Et consequenter nullam omnino posse esse propriam entis ab alio.

Propositio 45.

Ens omnium excogitabilium optimum ex suo proprio conceptu includit, sive habet in se omnes omnino perfectiones simpliciter simplices.

Si enim aliquam non haberet, planè sequitur, ens optimum non esse optimum. Quod est chymæricum. Quoniam ens optimum titulus talis manifestè est quædam perfectio simpliciter simplex, eoque iure cum ea altera, qua careret, in eodem alio tertio ente compati posset iuxta proposit. 39. Quod tertium iuxta proposit. 41. qualiter parte sui, atque adeò ipso ente optimo necessariò euaderet melius. Quo fieret, ut daretur ens melius optimo. Sicque optimum non esset optimum: quia optimum est, quo non datur melius.

Vel aliter ostensiuè. In ente omnium optimo omnes perfectiones reperiuntur, que vel ipsius proprie, vel ipsi, & cuilibet alteri enti communes sunt, ut ex se est manifestum. Igitur reperiuntur omnes perfectiones simpliciter simplices. Quandoquidem nulla eatur est quæ non sit aut propria entis optimi, aut ipsi, & cuilibet alteri enti communis iuxta proposit. 44.

Ex hac propositione inferatur primò, perfectiones simpliciter simplices non solum in quoniam numero finito iuxta dicta proposit. 43. Sed etiam in quoniam multitudine infinita esse compatibilis in eodem ente, qua ratione illæ possunt esse quoad multitudinem infinitæ iuxta dicta ibidem. Quandoquidem multitudine omnium omnino earum in ente optimo compatibilium iuxta propositionem præsentem omnes earumdem excogitabiles multitudines tam infinitas, quam finitas complexisse.

Secundò inferatur ex eadem, ens omnium excogitabilium optimum ex suo conceptu obiectivo, atque adeò intra statum quiditatum præcisè evidenter esse possibile, & necessariò existens. Quia possibilis, & necessaria existentia ex conceptibus suis obiectivis, & intra statum quiditatum præcisè evidenter sunt perfectiones simpliciter simplices repertæ ut sic simul cum alijs omnibus in dicto ente optimo iuxta dicta.

Quomodo verò nos hinc non possimus inferre, ens omnium excogitabilium optimum reuerà, & simpliciter esse possibile, & necessariò existens in statu existentiali absoluto, ex dictis supra disp. 1. q. 5. & 7. constat; rursusque ex dictis infra q. 9. constabit amplius.

Tertiò inferatur, ens omnium excogitabilium optimum coipso ex suo itidem conceptu obiectivo esse vnicum. Tum quia esse vnicum evidenter est perfectio simpliciter simplex, ut constat ex demonstratione secundâ factâ pro vnitate Dei supra disp. 12. q. 2. Tum quia, si entia optima essent plura, vnumquodque titulus optimi reliquis magis, & minus bonum, quam singula alia. Quod est chymæticum.

Pro-

Disp. XV. De bono, & malo, perfecto, &c. Quæst. VII. 46;

Propositio 46.

137 Nulla perfectio simpliciter simplex cum aliqua perfectione simpliciter est incompatibilis in eodem ente.

Quia, cùm perfectio simpliciter ut minimum debeat esse æqualis cuilibet sibi opposita, & perfectio simpliciter simplex omni sibi opposita sit maior iuxta definitiones statutas q.6. si aliqua perfectio simpliciter simplex, & aliqua perfectio simpliciter esset opposita inter se, prima esset major secundæ, & secunda nihilominus esset æqualis prima. Quod manifestè est impossibile iuxta doctrinam vniuersalim de æqualibus, & inæqualibus traditam in 1^o haro Scient. disp. 16. q.3.

Propositio 47.

138 Perfectiones simpliciter ex suis conceptibus vel æquales inter se, vel inæquales esse possunt.

Quia, debere singulas earum esse omnibus sibi oppositis aut maiores, aut saltem æquales iuxta suam definitionem statutam q.6. non obstat, quominus illæ inter se possint esse vel æquales, vel inæquales, prout in simili, quod ad rem attinet, proposit. 40. statutum est. Vnde iuxta ibi etiam dicta una perfectio simpliciter aggregato plurimum aliarum potest maior esse.

Propositio 48.

139 Necesse est, vt sit perfectio simpliciter simplex quodvis compositum ex duabus, quarum altera est perfectio simpliciter simplex, & altera perfectio simpliciter.

Quia, vt talis non esset, necessarium erat, quod illud aliquam perfectionem non minorem se sibi haberet oppositam, qua partibus eius seorsim sumptis opposita non esset. Et hæc duo compati nequeunt cum eo, quod altera talium partium sit perfectio simpliciter simplex, & altera perfectio simpliciter, iuxta demonstrationem factam proposit. 42. qua casum etiam praesens propositionis amplectitur, vt cam recolenti, & huc applicanti notum fiet.

Propositio 49.

140 Quævis perfectio simpliciter simplex cum quovis numero perfectionum simpliciter est compatibilis in eodem ente.

Accipiamus enim quemuis numerum perfectionum simpliciter v. g. quaternarium; & plane inueniemus, quod per proposit. 46. quævis perfectio simpliciter simplex cum quavis unitate numeri accepti erit compatibilis in eodem ente v. g. cum primâ. Cùmque compositum ex tali perfectione simpliciter simplex, & ex dicta primâ sit necessariò etiam perfectio simpliciter simplex iuxta proposit. 48. tale compositum rursus per eandem proposit. 46. erit compatibile cum secundâ similiterque compositum secundum resultans ex primo, & ex secundâ eodem titulo erit compatibile cum tertia. Compositumque hoc tertium cum quarta. Et ita deinceps in infinitum, accipio itidem quovis alio numero maiore, & maiore sine fine.

Cum quovis igitur numero excogitabili perfectio num simpliciter est compatibilis in eodem ente, quævis perfectio simpliciter simplex. Sumpit vi delicit illis omnibus non tantum diuisuè, sed etiam collectivè. Id namque est, quod evidenter per demonstrationem factam ostenditur.

Cùmque omnis compatibilitas evidenter sic mutua, sequitur plane, perfectiones simpliciter in quovis numero collectivè, atque adeo simul cum quævis perfectione simpliciter simplici compatibilis esse in eodem ente.

Propositio 50.

Nullus numerus perfectionum simpliciter simplicium cum aliquà, aut cum aliquo numero perfectionum simpliciter est incompatibilis in eodem ente.

Quia quilibet numerus perfectionum simpliciter simplicium aliqua est perfectio simpliciter simplex iuxta propot. 42. Et nulla perfectio simpliciter simplex cum aliquà, aut cum aliquo numero perfectionum simpliciter est incompatibilis in eodem ente iuxta propot. 46. & 49.

Propositio 51.

Omnes perfectiones simpliciter cuiuslibet numeri comparatae inter se collectivè, & simul sunt compatibilis in eodem ente.

Quia collectivè, & simul sunt compatibilis cum eodem tertio scilicet cum quævis perfectione simpliciter simplici in eodem ente iuxta propot. 49. Et evidens est, quæcumque simul cum eodem tertio in eodem ente compatibilia sunt, & inter se simul in eodem ente compatibilia esse.

Propositio 52.

Quævis omnino perfectio simpliciter necessariò debet esse aut propria entis omnium optimi, aut ipsi, & non optimo communis.

Nam alioquin cum aliqua perfectione simpliciter simplici (qualis est ens omnium optimum) non esset compatibilis contra proposit. 46. Aliquamque contra suam quiditatem expositam q.6. haberet annexam imperfectionem; vt argumentabamus in simili proposit. 44.

Vnde iuxta ibi etiam dicta quævis omnino perfectio simpliciter necessariò debet esse aut propria entis à se, aut ipsi, & enti ab alio communis; quin possit vllatenus esse propria entis ab alio.

Propositio 53.

Ens omnium excogitabilium optimum ex suo proprio conceptu includit, sive habet inse non solum omnes perfectiones simpliciter simplices iuxta proposit. 45. sed insuper omnes perfectiones simpliciter.

Demonstratur primò ab absurdo. Nam si aliquà, aut quovis aggregato earum careret, se queretur, ens optimum non esse optimum. Quod est chymæricum. Quoniam titulo talis manifestè est quædam perfectio simpliciter simplex, & quæ iure in eodem tertio ente compati posset cum ea aut perfectione, aut multitudine perfectionum,

fina.

Simpliciter, qua careret, iuxta proposit. 46. & 49. Quod tertium ens iuxta proposit. 44. qualibet parte sui, atque adeo ipso ente optimo necessario quadraret melius. Quo fieret, vt daretur ens melius optimo. Sicque optimum non esset optimum; quia optimum est, quo non datur melius.

¹⁴⁷ Secundò ostensiuè. Quia in ente omnium optimo omnes perfectiones reperiuntur, quæ vel ipsius propriæ, vel ipsi, & cuiilibet alteri enti communes sunt, ut ex se est manifestum. Igitur reperiuntur omnes perfectiones simpliciter. Quandoquidem nulla earum est, quæ non si aut propria entis optimi, aut ipsi, & cuiilibet alteri enti communis iuxta proposit. 52.

¹⁴⁸ Ex hac propositione infertur, perfectiones simpliciter non solum in quoquis numero iuxta proposit. 49. sed etiam in quibus multitudine infinita esse compatibilis in eodem ente; quia ratione illæ possunt esse quoad multitudinem infinitam iuxta dicta circa proposit. 43. Quandoquidem multitudio omnium omnino earum in ente optimo compatibilium omnes earumdem excogitabiles multitudines tam infinitas, quam finitas complectitur in se.

¹⁴⁹ Porro, quæcumque in hac, & præcedentibus propositionibus de perfectione simpliciter dicta sunt, utique ipsius speciei commemorata q. 6. fine communia sunt. Fundantur enim in eo, quod illa sit saltem æqualis suis oppositis, & nulli earum minor. Quod utique ipsius speciei conuenit.

Propositio 54.

¹⁵⁰ Multæ perfectiones simpliciter simplices cum multis perfectionibus secundum quid sunt compatibilis: de factoque subinde compatiuntur in eisdem entibus.

Est certum. Quia prædicta generalia entis, Substantialis, spiritualis, viventis, intellectui, voluntui, & alia huiusmodi ex universalioribus cum prædicatis differentialibus specierum eis inferiorum, ut Angelorum, elementorum, animalium, plantarum, lapidis, aliarumque huiusmodi in ipsis speciebus, atque adeo in omnibus individuis earum compatiuntur per identitatem defensione, ut est notissimum. Cum tamen illa prædicta priora perfectiones simpliciter simplices: hæc vero posteriora perfectiones secundum quid sunt manifestæ: eo quod unumquodque priorum nullam, unumquodque vero posteriorum aliquam aliam perfectionem oppositam sibi habent, & secundum maiorem. De quo nullum est dubium.

Propositio 55.

¹⁵¹ Aliœ perfectiones simpliciter simplices minores perfectiones sunt ex suis conceptibus, quam aliœ perfectiones secundum quid.

Est etiam certum. Cum sit manifestum, prædicatum entis, & prædicatum substantiali præcisæ sumpta minores perfectiones esse, quam prædicata differentialia quibus Angeli, & homines in suis conceptibus constituantur. Et tamen illa perfectiones simpliciter simplices; hæc vero perfectiones secundum quid sunt; ut non minus est notum.

Vnde patet; bene posse perfectionem aliquam ferentem secum annexam imperfectionem. nem negatiuam; qualis est omnis perfectio secundum quid, ut iuxta definitionem eius statuimus q. 6. maiorem esse nihilominus alia ab omni imperfectione immuni; qualis est omnis perfectio simpliciter simplex, ut pariter iuxta eius definitionem ibidem statutum est.

Propositio 56.

Dux, vel plures perfectiones secundum quid inter se comparatae aut compatibilis, aut incompatibilis esse possunt in eodem ente.

Quia neutrum horum recusat conceptus quiditatibus eatum. Est enim unquamque earum minorem alicui saltem ex sibi oppositis, ob idque mixtam imperfectionem, in quo stat earum quiditas, neque obstat, quomodo illæ in eodem ente compatiantur, neque obstat, quomodo illæ opposita etiam sint inter se, ut latet ex se notum est. Et per exempla sit manifestum. Nam conceptus accidentis, & conceptus corporei, qui planè sunt perfectiones secundum quid, in eodem calore reperiuntur. Differentiæ vero specificæ aeris, & lapidis, aliaque huiusmodi, qui aperte sunt etiam perfectiones secundum quid, incompatibilis sunt in eodem ente, ut est notum,

Propositio 57.

Melius est enti, esse non imperfectum, quam esse imperfectum, ceteris paribus.

Ex terminis ipsis est notissima propositio. Sed explicare illam distingui, oportet, supponendo imprimis, dumtaxat agi impræsentiarum de imperfectionibus negatiuis, non de positivis iuxta distinctionem earum traditam supra q. 4. Quo posito, si sermo sit de imperfectione integrali, aut accidentaliter consistente in vera negatione, aut complementi, aut accidentis perfecti entis prout statutus in eadem q. 4. veritas propositionis clarissima est. Cum sit clarissimum, melius se habere ens cum tali complemento, aut accidente, quam cum corum parentiæ, seu negatione, ceteris immutatis. Quod ipsum est, melius esse enti, esse non imperfectum, quam esse imperfectum, ito genere imperfectionis, ceteris paribus.

Si vero sit sermo de imperfectione essentiali, consistente iuxta dicta ibidem in eo, quod aliqua perfectio entis alterius maioris sit exclusiva propter oppositionem, incompatibilitatemque cum illa in eodem ente, sensus propositionis est, melius esse enti loco cuiusvis perfectionis exclusius alterius maioris, habere aliam ei saltem aqualem, quam nullius maioris sit exclusiva. Hoc enim est, melius esse enti loco cuiusvis perfectionis imperfectione aliquæ mixta habere aliam ei saltem aqualem ab omni imperfectione immunem. Quod ipsum est, melius esse enti, non esse imperfectum, quam esse imperfectum, ceteris paribus.

Additur autem in propositione ceteris paribus. Quia, cum fieri possit, ut perfectio aliqua mixta imperfectione maior nihilominus sit, quam alia immunis ab imperfectione iuxta propositum, semperque sit melius enti habere maiorem, quam habere minorem perfectionem, ut tertini ipsi planè præferunt, fieri utique poterit, ut melius

Disp. XV. De bono, & malo, perfecto, &c. Quæst. VII. 465

157 sit enti esse imperfectum, quām esse non imperfectum: quia fieri poterit, vt vna cum imperfectione maiorem perfectionem habeat, quām sine illa. Oportet igitur ad hoc, vt melius enti sit carere imperfectione, quām illam habere, quod squalem saltem perfectionem habeat illud propterque casu. Quod si pro casu defectus imperfectionis maiorem perfectionem, quām pro casu imperfectionis habuerit, multò adhuc melius illi erit, vt constat.

Propositio 58.

Melius est enti nullam habere perfectionem secundūm quid, quām habere aliquam, ceteris paribus.

Quia, cum perfectio secundūm quid sit mixta imperfectione iuxta eius definitionem datum q. 6. habere ens aliquam perfectionem secundūm quid, & est imperfectum in idem recidit. Sed melius est enti esse non imperfectum, quām esse imperfectum, ceteris paribus, iuxta propos. 57. Ergo melius est enti, nullam habet perfectionem secundūm quid, quām habere aliquam, ceteris paribus.

Propositio 59.

158 Perfectiones secundūm se præcise squales inæquales euadunt, quando altera imperfectione mixta est, altera verò secus.

Quoniam, que imperfectione est mixta, ab ipsa imperfectione celeretur imminui. Alioquin non esset melius enti esse non imperfectum, quām esse imperfectum, ceteris paribus, contra propos. 57.

Propositio 60.

Absolutè est melius enti esse non imperfectum, quām esse imperfectum.

Quia absolutè est melius enti habere tantam, aut maiorem perfectionem sine imperfectione, quām habere tantam, aut minorem cum illa, vt ex se, & ex dictis satis, superque est manifestum.

160 Vnde etiam apparet, absolutè esse melius enti, habere tantam, aut maiorem perfectionem absque illa perfectione secundūm quid, quām, habere tantam, aut maiorem cum aliqua. Hoc namque recidit in illud, vt etiam est notum ex dictis.

Propositio 61.

161 Ens non imperfectum melius est in se, quām ens imperfectum, tum ceteris paribus, tum absolutè.

Quia iuxta prop. 3. ab eo euadit ens melius in se, quod ipsi melius est formaliter. Sed iuxta prop. 57. & 60. tum ceteris paribus, tum absolutè est melius enti (puta formaliter, nam de tali meliori est sermo) esse non imperfectum, quām esse imperfectum. Igitur ens non imperfectum melius est in se, quām imperfectum, tum ceteris paribus, tum absolutè.

Propositio 62.

162 Nullum ens individuum excogitabile, preter optimum omnium, immune est ab omni imperfectione essentiali. Et consequenter neque ab omni perfectione secundum quid.

Quia, cum vnumquodque ens individuum ex sua differentia individuali distinctum sit à quolibet alio, atque adeò incompatible per identitatem cum illo in eodem ente, vnumquodque ens individuum, preter optimum omnium, à sua differentia individuali haber esse perfectionem exclusiuam alterius perfectionis maioris, qualis est comparatione vniuersiusque perfectionis saltem ipsius optimi, preter perfectiones aliorum à quibus vnumquodque exceditur. Quod ipsum est, vnumquodque individuum, preter optimum, à sua differentia individuali tanquam à quadam perfectione secundūm quid imperfectione essentiali mixtum euadere. Nullumque subinde, preter optimum, à tali imperfectione, à talique perfectione secundūm quid esse immune, vt propositio data fert.

Propositio 63.

163 Ens omnium excogitabilium optimum ex suo conceptu est non imperfectum.

Quia, cum ens non imperfectum sit melius absolute, quām ens imperfectum, iuxta prop. 61. si ens optimum esset imperfectum, aliud esset excogitabile melius ipso, nempe non imperfectum. Sicque ens omnium excogitabilium optimum omnium excogitabilium non esset optimum. Quod est chymicorum.

Vnde sequitur primò, ens omnium excogitabilium optimum ab omni imperfectione esse immune. Alioquin esset imperfectum contra propositionem. Cùm idem sit planè ens esse imperfectum, & aliquam perfectionem in se, sive ad mixtam secum habere.

Secundò sequitur, ens omnium excogitabilium optimum nullam perfectionem secundūm quid includere, sive habere in se. Alioquin includeret, sive haberet in se imperfectionem, quam necessario secum fert ex conceptu suo omnis perfectio secundūm quid iuxta ipsius definitionem statutam q. 6. atque ita imperfectum esset contra propositionem. Vnde rursus sit, omnes omnino perfectiones, ex quibus ens omnium optimum constat, aut esse perfectiones simpliciter simplices, aut perfectiones simpliciter. Quandoquidem ad solas istas tres species reuocantur omnes iuxta dicta q. 6.

Tertio sequitur, omnem perfectionem secundūm quid aliquam entis optimi perfectionem habere sibi oppositam. Nam si haberet nullam, cum omnibus eius compatibilis esset; defactoque proinde compateretur contra præcedens consecrarium. Siquidem quæcumque per identitatem in eodem ente comparabilia sunt, defacto comparantur, in eoque subinde sint identificata, necesse est: identitas quippe conceptuum non eis accessoria, sed essentialis, atque necessaria est, vt constat. Quamlibet autem perfectionem entis optimi oppositionem cuilibet perfectioni secundūm quid ipsa

N N maio-

Tractatus VII. De Deo vno.

466

maiorem, aut saltem ipsi æqualem debere necessariò esse, inde planè conspicitur: quia, si esset minor illà, eo ipso esset perfectio secundum quid reperta in ipso ente optimo contra idem conjectarium præcedens.

¹⁶⁷ Porro quæcunque in hac, & in præcedentibus propositionibus diximus de perfectione secundum quid, omnibus quatuor eius speciebus memoratis supra q.6, sine communia sunt. Fundatur enim in eo, quod illa minor si aliqui ex sibi oppositis. In quo tanquam in prædicto communis omnes quatuor dictæ species conueniunt.

¹⁶⁸ Sufficiantque modo propositiones istæ pro præsenti quæstione. Ad quarum normam vñusquisque alias, & alias poterit adiunire, & adiungere, combinatis, collatisque inter se, & cum alijs præsentis disputationis terminis omnibus.

QVÆSTIO VIII.

Virum omne ens sit bonum. Et per quid in esse talis constituitur.

¹⁶⁹ Errò fuit Manichæorum, Priscillianistarum, & aliorum hæreticorum afferentium, esse quasdas creaturas suā naturā malas, & à primo quodam Principio malo procreatæ. Ponebant enim duo prima Principia rerum; alterum bonarum summè bonum, & alterum malarum summè malum. Quæ errorum referunt, refutantque Niceph. lib.6. Hist. cap. 31. Euseb. lib.7. cap. 28. & Patres communiter, potissimum August. tom. 6. lib. de Hærel. hæresi 46. aliquique in locis prope innumeris suorum operum, ubi agit contra Manichæos. Et S. Th. I. p. q. 48. & 49. ibique eius Expositores. Et communiter Scholastici in 2. dist. 34. & 35.

¹⁷⁰ De fide tamen est, omne ens creatum naturā suā bonum esse. Dicitur enim Genesi. 1. de singulis diuinis operibus. Et vidit Deus, quod esset bonum. Moxque de omnibus sicut. vidit Deus cuncta, quæ fecerat, & erant valde bona. Et Ecclæsiast. 3. Cuncta fecit bona in tempore suo. Et I. ad Timot. 4. Omnis creatura Dei bona est. Et est definitum à Leone Papa epist. 93. ad Thiribium. Et in Concilio Brachar. cap. 7. & 8. Ex parteque in Concilio Lateran. prout habetur cap. Firmiter de Summ. Trinit. & Fide cathol. Rationeque etiam naturali demonstratur veritas ista, prout vidimus q.7. proposit. 36. & 37. Quod si omne ens creatum est bonum; potiore iure bonum erit ens increatum primum omnium creatorum entium. Principium. Quod esse vnicum, tanquam certum secundum fidem, & eidens secundum rationem tradidimus supra disp. 12. q. 2. De cuius bonitate speciatim agemus disp. seq.

¹⁷¹ Bonitas autem, à qua omne ens euadit bonum naturā suā, transcendentalis appellatur: quia in omni ente, & in omni singulorum entium formalitate reperitur. Passioque entis vniuersalissimè sumpti dicitur esse: eo quod vbiunque ratio entis inuenitur, ibi inueniatur ratio boni, necesse est. Ceterum, quia ut vidimus supra q.1. alia est bonitas absoluta, à qua aliquid bonum est in se ipso; alia est bonitas respectiva, sive relata, à qua aliquid bonum est alicui. Controversia est inter Doctores, quænam huiusmodi bonitatem sit ea, quæ transcendentalis, & passio entis nun-

cupatur. Sunt non pauciⁱ, qui censeant, bonitatem entium transcendentalē eam respectivam esse, qua quodvis ens alteri enti bonum est. Communior tamen est sententia afferentium, non esse eam, sed absolutam, qua quodvis ens bonum est in se se.

Ego censeo dicendum primò, bonitatem transcendentalē nullatenus esse eam respectivam, qua vnum ens alteri enti bonum est. Primo; quia non omne ens est bonum alteri formaliter, atque adeò propriè, licet sit bonum causatiū, sive minus propriè, iuxta diuisionem horum, bonorum factam, & explicatam q. 1. (Substantia quippe completa, vt Angelus, alteri similiter completa nequit esse bona formaliter: quia nequit esse formaliter perfectua eius). Bonitas autem transcendentalis omni enti conueniens formalis, & propria esse debet, vt ex se notum est. Secundò; quia neque omne ens est bonum omnibus alijs entibus; cùm aliqua aliquibus mala, & aliqua aliquibus adiaphora sint, vt constat; neque omne ens eidem, aut eisdem omnino alijs entibus bonum est, sed quædam quibusdam alijs sunt bona, quædam alijs diuersis, vt etiam constat. Vnde plane sequitur, bonitates respectivas ad alterum in singulis entibus repertas adeò inter se diuersas esse, vt in vnicum conceptum bonitatis respectivas ad alterum coire non possint omnibus entibus communem, qualis necessario debet esse conceptus bonitatis transcendentalis, quæ passio est entis vt sic; vti etiam ex se notum est. Tertiò; quia bonitas, qua vnum ens alteri est bonum, ipsi enti semiextrinseca, atque adeò accessoria est, vt constat ex doctrinâ statutâ q. 1. Compertrum est autem, bonitatem transcendentalē, quæ passio entis ponitur, intrinsecam, & essentialē ipsi enti esse debere, vt pote quæ non realiter, sed per rationem dumtaxat debet ab ipso ente distinguiri, vt docent omnes cum S. Th. I. p. q. 5. art. 1.

Hinc secundò censeo dicendum, neque posse esse bonitatem transcendentalē entis eam absolutam, qua ens aut accidentaliter, aut integratiter in se absolute dicitur esse bonum iuxta doctrinam stabilitatem q. 1. tum quia neutra harum est essentialis, & identificata cum ente, qualis debet esse transcendentalis: tum quia non omne ens est in se absolute bonum aut bonitate accidentalī, vt patet in Deo, qui per nullum accidens potest meliorari, reddique subinde bonum in se, aut bonitate integrali, vt patet in omni ente simplici, qui nullas partes haberet.

Tertiò igitur censeo dicendum, duas esse bonitates transcendentes, non quidem realiter, sed tantum formaliter, sive per rationem nostram distinctas inter se. Alteram, qua quodvis ens per suam essentialē, sive ab essentiali suā habet, esse bonum in se absolute. Alteram, qua quodvis ens per suam essentialē, sive ab essentiali suā habet, esse bonum sibi respectivē. Vt raque enim ista bonitas necessariō reperitur in omni ente. & in omni singularium entium formalitate, vt quid cum eis identificatum realiter, & ipsis essentialē, prout ex generali doctrinâ statutâ q. 1. fatis, superque notum est. Qo nihil desideratur, vt vtraque sit bonitas transcendentalis, & passio entis vniuersalissimè sumpti.

Quomodo autem prima in ea veluti vnuſtate consistat, quam quodvis ens à sola sua essentiali participat, & ratione cuius euadit diuina, vt aestimetur, & ametur in se, & properet. Secunda vero consistat in conuenientia, qua quod-